

Заҳар. (Болалар учун)

05:00 / 16.02.2017 5824

Ҳусайн тоға шаҳардан қишлоққа ҳурсанд бўлиб қайтаётган эди. Чунки у бозорга ўзи билан олиб борган ҳамма молларини сотиб улгурган эди. Бир булоқ бошида дам олмоқчи бўлди. Эшагим ўтлаб тургунча шу дарахт остида бироз мизғиб оламан деди.

Ҳуррак отиб чуқур уйқуга кетганида пуллари эсига тушиб қолди ва деди: Пулларни ишончли жойга қўйиб қўйишим керак. Халтасини очиб қараса пуллари жойида турибди.

Халтани кўйлаги ичига жойлаб яна уйқуга кетди. Аммо, афсуски, буларнинг ҳаммасини дарахтда беркиниб ўтирган бир йўлтўсар кўриб турганди. Бу пуллар бутун ҳаётини доимо бошқаларга озор бериш билан ўтказиб келган бу одамнинг кўзларини ўйнатиб юборди. Секин-аста дарахтнинг тагига келиб олиб чўнтагидан қамиш найча ва ичига заҳар солинган қутича чиқарди. Заҳарни қамиш найнинг учига қўйди ва қаттиқ ухлаб ётган Ҳусайн тоғага яқинлаша бошлади. Ўғри заҳарни унинг оғзига пуфлаб, уни осонгина ўлдириб, унинг пулларини олмоқчи эди.

Ўғри энди заҳарни пуфлайман деганида Ҳусайн тоға тўсатдан аксириб юборди. Ўғрининг оғзига ўзининг заҳари кириб кетиб у ўша заҳоти тил тортмай ўлди.

Саййидимиз Расулуллоҳ С.А.В. нинг ушбу ҳадиси шарифлари қанчалар гўзал. У Зот шундай деб марҳамат қилганлар:

Ким одамларга ёмонлик қиламан деб ҳаракат қилса Аллоҳ таоло унинг ўзига ёмонликни қилиб қўяди. (Тирмизий)